

07 SEPTEMBRIE

RUGACIUNEA 1

SF. IERARH

IOAN AL NOVGORODULUI

МОЛИТВА

О, всехвальный святителю Христов и чудотворче Иоанне! Приими сие малое моление от нас грешных, к тебе прибегающих, и теплым твоим предстательством умоли Господа и Бога нашего Иисуса Христа, яко да, призрев на ны милостивно, дарует нам согрешений наших вольных и невольных прощение, и по велицей Своей милости избавит нас от бед, печалей, скорби и болезней душевных и телесных, обдержавших нас; да подаст земли плодоносие, и вся, яже на пользу настоящего жития нашего потребная; да дарует нам скончати житие сие привременное в покаянии, и да сподобит нас грешных и недостойных Небеснаго Царствия Своего, со всеми святыми славити Его безконечное милосердие, со Безначальным Его Отцем и Святым и Животворящим Его Духом, во веки веков. Аминь.